



Broj: 01-65/26  
Sarajevo, 20.01.2026. godine

Na osnovu člana 10c. Zakona o javnim nabavkama BiH i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24), člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24) i člana 101. Pravila JU Osnovna škola „Grbavica II“ Sarajevo, Školski odbor na 44 redovnoj sjednici održanoj 20.01.2026. godine, donosi

### **ODLUKU O IZUZEĆU od primjene Zakona o javnim nabavkama BiH**

#### **I**

Školski odbor JU OŠ „Grbavica II“ donosi odluku o izuzeću računovodstvenih usluga za 2026. godinu za potrebe JU OŠ „Grbavica II“ Sarajevo, koja je u skladu sa članom 10c. Zakona o javnim nabavkama BiH („Službeni glasnik BiH“, broj 39/14, 59/22 i 50/24).

#### **II**

Za realizaciju nabavke iz člana I ove Odluke, procijenjena vrijednost iznosi 20.515,92 KM bez uračunatog PDV-a. Sredstva potrebna za realizacije nabavke iz ove odluke će biti obezbjeđena u Budžetu škole za 2026. godinu na ekonomskom kodu 613900 – Ugovorene i druge posebne usluge, JRN 79211000-6 – Računovodstvene usluge.

#### **III**

Predmetna nabavka bit će finansirana iz budžetskih sredstava potrebe JU OŠ „Grbavica II“ za 2026. godinu.

#### **IV**

Ova Odluka stupa na snagu danom donošenja.

#### **Obrazloženje**

Školski odbor JU OŠ „Grbavica II“ Sarajevo, donosi odluku za nabavku računovodstvenih usluga, a koja je u skladu sa članom 10c. Zakona o javnim nabavkama BiH („Službeni glasnik BiH“ broj 39/14, 50/22 i 50/24) – „Ugovori između privrednih subjekata u javnom sektoru“. Zakon se ne primjenjuje na ugovor o javnoj nabavci koji ugovorni organ dodjeljuje drugom pravnom licu ako su ispunjeni određeni uslovi. U skladu sa članom 10c stav (1) tačka a), b) i c) Zakona o javnim nabavkama BiH, prvi uslov je da ugovorni organ obavlja nadzor nad tim pravnim licem, sličan onom koji sprovodi nad svojim poslovnim jedinicama. Drugi uslov je da nadzirano pravno lice obavlja više od 80% svojih aktivnosti u izvršavanju zadataka koje mu je povjerio ugovorni organ ili druga pravna lica nad kojima taj ugovorni organ vrši nadzor. Treći uslov je da u pravnom licu pod nadzorom nema direktnog učešća privatnog kapitala koji vrši odlučujući uticaj na to pravno lice.

Na osnovu člana 10c stav (2) i stav (3) tačka a), b) i c) Zakona o javnim nabavkama BiH, Ugovorni organ vrši nadzor nad pravnim licem ako ima presudan uticaj na strateške ciljeve i važne odluke tog pravnog lica. Također, nadzor mogu sprovoditi i drugi subjekti nad kojima ugovorni organ vrši sličnu kontrolu. U slučaju kada više ugovornih organa vrši nadzor nad pravnim licem, organe nadležne za odlučivanje u tom pravnom licu čine predstavnici svih ugovornih organa koji učestvuju, s tim da pojedinačni predstavnici mogu predstavljati nekoliko ugovornih organa koji učestvuju ili sve njih. Ti ugovorni organi mogu zajedno imati presudan uticaj na strateške ciljeve i važne odluke u tom pravnom licu i to pravno lice nema interese različite od interesa ugovornih organa koji nad njim sprovode kontrolu.

Sukladno članu 10c. stav (5) tačka a), b) i c) Zakona, ovaj zakon se također ne primjenjuje na slučaj kada se ugovorom utvrđuje ili ostvaruje saradnja između tih ugovornih organa s ciljem osiguravanja da javne usluge koje oni treba da pruže ostvaraju njihove zajedničke ciljeve.

Također, zakon se ne primjenjuje na ugovore između dva ili više ugovornih organa ako se ti ugovori odnose na saradnju koja ima za cilj ostvarivanje zajedničkih ciljeva vezanih uz javni interes, te ako ti organi ostvaruju manje od 20% djelatnosti na koje se odnosi saradnja, na otvorenom tržištu.

**Cijeneći navedeno, donesena je Odluka kao u dispozitivu**

*Predsjednik/ca Školskog odbora*

*Nusret Mujezinović*

Dostaviti:  
1x Računovodstvo  
1x a/a